

ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔ

<<ԱՎՏՈՍՈՒԲԻԼԱՅԻՆ ՏՐԱՆՍՊՈՐՏՈՎ ԿՏԱՆԳԱՎՈՐ ԲԵՌՆԵՐ ԵՎ ԶՎՆԱՍԱԶԵՐԾՎԱԾ ՏԱՐԱՆԵՐ ՓՈԽԱԴՐԵԼՈՒ ՄԱՍԻՆ>> ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Հոդված 1. «Ավտոմոբիլային տրանսպորտով վտանգավոր բեռներ և չվնասազերծված տարաներ փոխադրելու մասին» 2012 թվականի փետրվարի 27-ի ՀՕ-30-Ն օրենքի (այսուհետ օրենք) 3-րդ հոդվածի 1-ին մասում՝

1) 1-ին ենթակետում «շենքերն ու շինությունները» բառերից հետո լրացնել «համաձայն՝ վտանգավոր բեռների միջազգային ճանապարհային փոխադրումների մասին եվրոպական համաձայնագրի (ԱԴԴ) դասակարգման» բառերը.

2) լրացնել հետևյալ բովանդակությամբ նոր 10-րդ և 11-րդ կետեր.

<<10) **վերապատրաստման վկայական (սերտիֆիկատ)**՝ վտանգավոր բեռներ փոխադրելու պահանջների մասնագիտական ստուգման դրական արդյունքի հիման վրա տրված սահմանված նմուշի փաստաթուղթ.

11. **վերապատրաստում**՝ վտանգավոր բեռների փոխադրման պահանջների կազմակերպման, անվտանգ փոխադրումների իրականացման, վթարների հավանականությունը նվազեցնելու, իսկ վթարային արձագանքման վերաբերյալ մասնագիտական ուսուցումն: >>:

Հոդված 2. Օրենքի 7-րդ հոդվածի 1-ին մասի՝

1) 3-րդ կետում <<փոխադրումների համար>> բառերը փոխարինել <<փոխադրումներին>> բառով.

2) 4-րդ կետում հանել <<և դրանց փոխադրման համար տրամադրվող թույլտվությունների ժամկետները>> բառերը.

3) 6-րդ կետից հետո լրացնել հետևյալ բովանդակությամբ նոր 7-րդ կետ.

<<7) սահմանում է վտանգավոր բեռներ փոխադրելու վերապատրաստման գործունեություն իրականացնելու լիցենզավորման կարգը:>>:

Հոդված 3. Օրենքի 8-րդ հոդվածի 1-ին մասը լրացնել հետևյալ բովանդակությամբ նոր 8-րդ կետով

«8) տրամադրում է վտանգավոր բեռներ փոխադրելու վերապատրաստման վկայական (սերտիֆիկատ):»:

Հոդված 4. Օրենքի 12-րդ հոդվածի 2-րդ մասի <<փոխադրողին հանձնել>> բառերից հետո լրացնել ««Վտանգավոր բեռների միջազգային ճանապարհային փոխադրումների մասին» եվրոպական համաձայնագրի (ԱԴՌ) պահանջներով սահմանված» բառերը:

Հոդված 5. Օրենքի 15-րդ հոդվածում

1) 3-րդ մասը լրացնել հետևյալ բովանդակությամբ նոր 6-րդ կետով

«6) պետք է անցնեն վտանգավոր բեռներ փոխադրելու վերապատրաստում և ունենան վարորդի վերապատրաստման վկայական (սերտիֆիկատ): Վտանգավոր բեռներ փոխադրելու որակավորման քննություններ ընդունելու և վարորդի վերապատրաստման վկայական (սերտիֆիկատ) տրման կարգը հաստատում է Հայաստանի Հանրապետության կառավարությունը:»:

2) Լրացնել հետևյալ բովանդակությամբ նոր 4-րդ և 5-րդ մասեր.

«4. Վտանգավոր բեռներ փոխադրող տրանսպորտային միջոցը պետք է ունենա վտանգավոր բեռներ փոխադրելու տրանսպորտային միջոցի հաստատման վկայական (սերտիֆիկատ), որի ձևը և տրման կարգը հաստատում է Հայաստանի Հանրապետության կառավարությունը:

5. Վտանգավոր բեռներ փոխադրող կազմակերպությունը պետք է ունենա վտանգավոր բեռների փոխադրումների ոլորտի օրենսդրությամբ սահմանված պահանջներին համապատասխան վտանգավոր բեռների անվտանգ փոխադրման գործընթացը կազմակերպող անվտանգության մասնագետ, որը պետք է անցնի վերապատրաստում և ունենա մասնագիտական վերապատրաստման վկայական (սերտիֆիկատ), որի ձևը և տրման կարգը հաստատում է Հայաստանի Հանրապետության կառավարությունը:»:

Հոդված 6. Օրենքի 16-րդ հոդվածի 1-ին մասում «իրավական ակտերի» բառերից հետո լրացնել «, «Վտանգավոր բեռների միջազգային ճանապարհային փոխադրումների մասին» եվրոպական համաձայնագրի (ԱԴՌ)» բառերը:

Հոդված 7. Եզրափակիչ մաս և անցումային դրույթներ

1) Սույն օրենքն ուժի մեջ է մտնում 2024 թվականի հունվարի 1-ից:

2) Սույն օրենքի 2-րդ հոդվածով Օրենքի 7-րդ հոդվածի 1-ին մասի 7-րդ կետով, 15-րդ հոդվածի 2-րդ մասի 6-րդ կետով, 4-րդ և 5-րդ մասերով սահմանված Հայաստանի Հանրապետության կառավարության որոշումներն ընդունվում են 2023 թվականի դեկտեմբերի 2-րդ տասնօրյակում:

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔ

«ՊԵՏԱԿԱՆ ՏՈՒՐՔԻ ՄԱՍԻՆ» ՕՐԵՆՔՈՒՄ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Հոդված 1. «Պետական տուրքի մասին» 1997 թվականի դեկտեմբերի 27-ի ՀՕ-186 օրենքի՝

1. 19-րդ հոդվածի «15. Տրանսպորտի բնագավառ» բաժնի 15.5-րդ կետը լրացնել նոր պարբերությամբ հետևյալ բովանդակությամբ.

«-վտանգավոր բեռներ փոխադրելու բազային տուրքի վերապատրաստման գործունեություն 200-ապատիկի չափով» իրականացնելու համար՝ տարեկան

2. 20-րդ հոդվածը լրացնել հետևյալ բովանդակությամբ նոր 59-րդ, 60-րդ և 61-րդ կետերով.

«59. Վտանգավոր բեռներ փոխադրելու վարորդի վերապատրաստման վկայական (սերտիֆիկատ) տալու համար՝	բազային տուրքի
60. Վտանգավոր բեռների փոխադրման անվտանգության մասնագետի վերապատրաստման վկայական (սերտիֆիկատ) տալու համար՝	10-ապատիկի չափով բազային տուրքի
61. Վտանգավոր բեռներ փոխադրելու տրանսպորտային միջոցի հաստատման վկայական	10-ապատիկի չափով:
	բազային տուրքի
	10-ապատիկի չափով»:

(սերտիֆիկատ) տալու համար՝

Հոդված 2. Սույն օրենքն ուժի մեջ է մտնում 2024 թվականի հունվարի 1-ից:

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՕՐԵՆՔԸ

ՎԱՐՉԱԿԱՆ ԻՐԱՎԱԽԱՏՈՒՄՆԵՐԻ ՎԵՐԱԲԵՐՅԱԼ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՍԳՐԹՈՒՄ ԼՐԱՑՈՒՄ ԿԱՏԱՐԵԼՈՒ ՄԱՍԻՆ

Հոդված 1. Վարչական իրավախախտումների վերաբերյալ Հայաստանի Հանրապետության 1985 թվականի դեկտեմբերի 6-ի օրենսգրքի 137.8-րդ հոդվածը լրացնելի հետևյալ բովանդակությամբ նոր 8-րդ մասով՝

«8. Հայաստանի Հանրապետության տարածքում վտանգավոր բեռներ փոխադրելու օրենսդրության պահանջները խախտելը՝

առաջացնում է տուգանքի նշանակում՝ սահմանված նվազագույն
աշխատավարձի հիսնապատիկի չափով:»:

Հոդված 2. Սույն օրենքն ուժի մեջ է մտնում 2024 թվականի հունվարի 1-ից:

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

Օ Ր Ե Ն Ք Ը

«ԼԻՑԵՆԶՎՈՐՄԱՆ ՄԱՍԻՆ» ՕՐԵՆՔՈՒՄ ԼՐԱՑՈՒՄ ԿԱՏԱՐԵԼՈՒ ՄԱՍԻՆ

Հոդված 1. «Լիցենզավորման մասին» 2001 թվականի մայիսի 30-ի ՀՕ-193 օրենքի 43-րդ հոդվածի 2-րդ մասի «16. Տրանսպորտի բնագավառ» բաժինը լրացնելի հետևյալ բովանդակությամբ 8-րդ կետով.

«8.	Վտանգավոր ԿՄ ր բեռներ փո խադրելու վ երապատր աստման գո րծունեություն ն	-	-	Ո	-
-----	---	---	---	---	---

Հոդված 2. Սույն օրենքն ուժի մեջ է մտնում 2024 թվականի հունվարի 1-ից: